

湯文正公史稿



潛菴先生擬明史稿卷之九

睢州湯

斌潛菴擬

同里田蘭芳箕山評

王直王翺李秉崔恭姚夔尹旻列傳

王直字行儉泰和人祖子興元末隱居教授不應
辟舉洪武初徵爲說書論事稱旨授福建監運司
副使父伯貞官肇慶知府直少以學自奮舉永樂
二年進士改翰林庶吉士簡內閣書機密文字除
修撰成祖幸北平皇太子監國黃淮楊士奇留輔
導直與焉遷侍讀洪熙初遷右庶子兼侍讀學士

潛菴先生史稿

列傳一
卷之九

一

宣德中進少詹事凡朝廷大制作皆以屬直正統
初修宣宗實錄直爲總裁書成進禮部左侍郎兼
學士尋出理部事八年遷吏部尚書也先犯邊車
駕親征直率廷臣上言邊鄙之事惟在守禦嚴固
而已國朝備邊最爲得策謀臣猛將堅甲利兵所
在屯戍且耕且守足以久安今宜飭緣邊諸帥慎
固封疆申明號令堅壁清野按兵蓄銳坐以待之
彼前不得戰退無所掠自當遠遁何必親御六師
以臨塞下况秋暑未退旱氣蘊隆青草不豐水泉
猶濇人畜之用實有未克又車駕旣出四方猝有

急奏未能卽達其他變故難保必無兵凶戰危明
王慎之以至尊躬履險地臣等竊以爲不可弗聽
未幾有土木之敗景帝立直屢請迎上皇不允會

先見

帝御文華門詔公卿雜議直抗言宜遣使勿貽他
日悔帝不悅旣罷朝太監興安出口公等固欲遣

使孰可行者有文天祥富弼其人乎衆相顧莫敢

發言直面發赤厲聲曰是何言莫非王臣惟上命

孰敢不行者言至再辭色愈厲安語塞卒遣使迎

持正

復其功爲多景泰三年以易太子進少傳兼太子

太師直心知不可又不能強諫因累章求退居常

得失並見

潛菴先生史稿

列傳一
卷之九

二

鬱鬱不樂天順元年致仕歸直方面修髯器宇弘

偉爲文章才敏而思密在館閣三十年恭勤不懈

及爲吏部與蹇義何文淵王翱先後共事義累朝

名德亦推重直稱其雅量尤留意人才南京吏部

尚書魏驥告老請留之刑部尚書缺舉鄺埜薦虞

祥爲戶部侍郎奇馬文升之才擢爲御史臨川聶

大年以直不相汲引爲文謂直大年死泣銘其墓

恨不能薦大年也歸田後常乘肩輿行阡陌間課

耕作子孫迭稱觴爲壽怡然自樂年八十四卒贈

太保謚文端始直與金谿王英俱久留翰林並官

八座以直居第在東時稱英爲西王直爲東王然英豪宕不羈直性嚴重寡言笑家法修整論者以直爲優子積字希稷爲文有程度用薦爲泰和訓導遷南京國子博士改翰林院檢討署監丞事訓生徒寬而有法祭酒吳節亟稱之曰君子人也尋以原官掌南京翰林院事聞母喪去官未至家卒曾孫思自有傳

王翺字九臯鹽山人永樂十三年會試貢士於行在禮部舉翺第五時成祖欲建都北平思得北土用之得翺大喜召見賜酒食及殿對奏名二甲第

潛菴先生史稿

列傳一卷之九

三

一入翰林爲庶吉士授大理左寺正左遷行人宣德元年以楊士奇薦擢行在山東道御史十年擢僉都御史正統元年鎮守江西還復巡鹽浙江四年松潘用兵命翺同都督李安往討之事平鎮守陝西七年提督遼東軍務翺以遼東法令久弛將士驕玩賊至皆不肯力戰因諸將庭謁召都督以下責以喪師失律罪當斬軍中股栗叩首願效死自贖翺乃自行邊起山海關抵開原繕城垣濬溝塹斥堠相望又以邊塞孤遠軍興輒虞匱缺緣俗立法令有罪者悉得收贖十年間得金穀馬牛羊

無筭遂督諸軍出塞屢有斬獲進右副都御史指
揮孫璟以漏關鞭戍卒至死其妻女哭之亦死他
卒訴璟殺一家三人翱曰卒死法妻死夫死父
非殺也璟得無累卒以能將名十四年秋也先猝
犯廣甯翱收兵入保或謂翱城不可守翱怒拔劍
曰敢言棄城者斬伺寇怠遣諸將分道擊之也先
勢蹙引去景泰三年還掌院事尋加太子太保會
兩廣寇亂復命翱往寇聞翱至大懼欵服翱亦推
誠撫之嶺南遂安翱久歷軍中恩威並用所至輒
有功他人莫能及也四年召還遷吏部尚書與王

潛菴先生史稿

列傳一卷之九

四

直同掌部事天順改元直老乃專任翱時李賢爲
石亨所讒謫外帝以問翱翱力言賢無罪賢得留
賢在內閣亦左右翱翱以是得行其志帝嘗從容
謂賢今六部皆得人惜吏部王翱老爾賢對曰翱
雖老精力未衰聞祿命之說翱壽最高帝喜曰如
此可無慮每進退大臣帝必召翱咨可否寵待日

隆群臣無敢望所推擇文武大吏耿九疇軒輅年

富李秉程信施聚焦禮范信皆爲名臣嘗侍遊西

苑醉命扶還其家南城五花樓成召翱落之稱翱

先生賞賜優渥每引選入奉天門或雨雪中貴扶

主眷之隆下結以勤部事見臣王一德之美一段叙

掖上下有所遊幸召翺俱輒傳侍郎代選然翺雖極暮必蒞署閱所選惟恐有不當也憲宗立加

太子太保特命免雨雪朝朝以朔望三上疏乞骸

骨降旨慰留數遣醫視疾三年疾甚乃許致仕卒

年八十有四贈太保謚忠肅翺剛明正直憂國奉

公每見朝廷行一善政則喜見顏色稍未善攢眉

終日聞四方水旱災傷急詢所在官吏有無積儲

民得不流離餓死否在銓曹謝絕請謁公餘恒宿

直廬非歲時朔望謁先祠未嘗歸私第論薦不使

人知忘情恩怨曰吏部豈快心恩怨地也名言自處尤

潛菴先生史稿列傳一卷之九

廉峻景帝知翺貧詔為治第鹽山力辭不受孫麟

廕入太學不使應省試曰汝幸得門廕勿妨寒士

路有中貴遺明珠數顆辭之弗獲綴珠衣領間數

年中貴死召其猶子還之女嫁為畿內仕人賈傑

妻翺夫人數遣迎女傑恚曰若翁典銓移我官京

師反手爾何往來不憚煩也夫人聞之乘間置酒

跪請翺怒推案擊夫人傷面傑亦卒不調也方

曹欽反執李賢於長安門往見翺翺叱曰朝廷何

負若若乃反耶殺李公毋甯殺我欽遽謝曰不敢

驚長者賢得免每朝退子然獨行馬昂崔恭輩皆

翺所推舉同列九卿直名呼之其爲時嚴重如此
李賢嘗謂翺亂而敬擾而毅簡而廉剛而塞強而
義臯陶九德王公有其五矣嘗對便殿英宗曰北
人文雅藻飾不及南人顧質直雄偉緩急當得力
翺承帝指引用多北人然所舉皆能其職見非承望風指此至姚夔
在吏部始推挽南人而清譽稍不逮翺故世以翺
爲善知人子竝世官錦衣衛千戶

李秉字執中曹州人少孤力學正統元年進士授
延平推官郡中豪強爲暴吏莫敢問秉下車立捕
治之爲豪強所搆下獄久之事得白秉亦由是知

潛菴先生史稿

列傳一
卷之九

六

名都御史王文奇其才薦爲都察院經歷久之改
戶部主事遷郎中督漕鳳陽理餉宣府所至事集
景泰二年侍郎劉璉督邊儲多侵欺秉劾去之就
擢秉爲右僉都御史總督宣府邊儲叅贊軍務時
邊警頻仍田盡荒蕪秉請三萬金市牛山東河南
給俵播種秋熟還官民旣樂業而邊餉亦足其明
年瓦剌入貢秉言瓦剌使臣至三千餘人馬駝雜
畜可四萬餘匹多寄牧宣府臣按永樂宣德間外
國進馬驗其不堪者令逐塞外水草不許入境自

正統間始入牧大同以故習地利數盜邊今貢使

人畜過多宜防其詐景帝善之是歲兼巡撫尋改
提督軍務薦葉盛知兵參贊獨石諸軍而奏總兵
紀廣副總兵楊能不職狀帝曰塞圍方棘不可以
細故掎大將下巡按御史覈報廣亦許秉專權有
詔召秉還京科道交章言以掎摭之口遽罷重臣
不可乃遣言官卽訊廣許果妄秉視事如故秉盡
心邊政纖悉畢具凡所條奏輒報可下諸邊倣行
之秉益招徠流移興起學舍清理屯田給醫藥施
棺槨掩鷄兒嶺遺骸萬五千簡選銳士教以戰陣
軍聲大振諸部落牧塞下廷議勦之秉曰邊外故

潛菴先生史稿

列傳一
卷之九

七

諸部牧地非犯邊也若掩殺之倖功開釁不祥莫
大焉乃止諸部質所掠男婦求易米朝議成了以
上予一石勿者半之諸部盡求一石鎮將不可秉
盡予之曰使知朝廷貴人而賤物也專擅之罪吾
自當之帝聞之乃以秉爲有識天順初罷天下巡
撫總督官致仕者二十人畱用者四人秉復得巡
撫應天諸府時歲饑出庫金佐運費易米以賑劾
罷貪吏數十人所部肅然太平知府缺秉薦刑部
員外郎歐陽熙瑞州通判史宗禮可補御史李固
等六人分俸養親各列不謹秉疏六臣以養得罪

傷聖明孝治乞宥之言官因糾秉方命遂召秉還
初秉在宣府嘗摘發武臣事屬巡按御史張鵬訊
鵬曰我豈公屬吏耶執不與訊秉奏劾下鵬治鵬
則治之曰非爲李公奉詔也其後鵬與楊瑄因劾
曹石戍南丹衛錦衣指揮門達封識梏拳遣千戶
監戍甚嚴行至南都瑄曰李公在此恐以前故不
能周旋我兩人語未旣傳呼至見瑄鵬哭不能起
解帶貽之長跪千戶請脫其梏或曰此門錦衣手
自封識又曹石方橫恐爲公累秉曰苟有罪吾自
當之自是兩人所過士大夫皆厚爲禮人以此益

潛菴先生史稿

列傳一
卷之九

八

多秉秉旣還會李賢請設諸邊巡撫如故而秉改
大同大同總兵石彪前已劾罷都御史年富益驩
恣秉持正自若彪益忌之會有守備久病秉請代
以長隨坐專擅逮下錦衣獄門達修前卻因指秉
先撫南畿薦歐陽熙等又爲李固等解罪爲徇私
又有希曹石意者撫拾秉近事帝俱命達按之秉
力辨不屈有詔罷爲民居三年復以薦起南京右
僉都御史成化元年以邊關多故命秉巡撫宣府
兼理軍務召入爲左副都御史居兩月進左都御

史先是御史有所彈擊必先白都御史都御史承

望權貴意指而後敢許秉一聽御史所爲會當計
吏黜罷貪廢倍於其舊仕路爲之一清明年秋復
命整飭大同邊備並總督遼東首劾太監李良武
安侯鄭宏失律詔弗問時建州三衛毛憐海西等
使者入貢邊臣往往驗方物不稱輒拒卻之自是
貢使不至秉言懷遠之道來則受之計物厚薄適
以召釁非所以安邊也二何董山斜海西諸部落
入犯遼東秉遣諸將分據險要而提兵直入海東
山驟與寇遇指揮徐英失利先却秉拔劍將斬之
英願效死振戈復前諸軍鼓而從之遂大捷俘獲
潛菴先生史稿列傳一
卷之九

九

甚衆明年還京師寇復至都指揮鄧佐力戰死遼
東大震復命秉爲總督與武靖伯趙輔率兵討之
比至以一大牢祭佐擢用其子而治副將施英逗
遛罪遂大發兵五道並進七日而至燔其廬帳禽
馘千計而還捷聞天子嘉其績賜麒麟服勞以牛
酒加太子少保先是吏部尚書王翱卒下廷推上

命待秉至是遂擢吏部尚書秉念受知最深報國

惟在用人奏擬遷擢汲汲恐後顧其爲人寬裕有

之根

一路草書極詳悉

提三語是受讓

容中懷無隱而守法嘗至過當侍讀彭華者大學

士時從弟也屬其羣從及故人子秉皆黜之中官

欲用其鄉人爲要官秉執不可更予外補以天下庶官厲民取財皆緣爲太學生時久次貧乏債爲之累乃傲古身言書判例試之四者不稱則給冠帶還家由是諸太學生構爲蜚語籍籍長安市左侍郎崔恭以次當得尚書而秉顧出已上心頗不平右侍郎尹旻常學於秉秉初皆屈意下之有所商榷輒見聽從外人遂言吏部權盡歸兩侍郎矣秉自是稍悔兩人亦頗嫌秉而御史康永詔者往來秉所酒酣絮語數言商輅姚夔程信馬昂不稱職狀會星變永詔請汰京官並言輅等當罷時考

潛菴先生史稿

列傳一卷之九

十

察京官大臣被覈聽自陳由是輅等益忌秉而京官被汰者恚且詬曰去我輩足消天變耶御史戴用請方面官如正統間例聽在廷三品以上薦舉語頗侵吏部有詔從用言而令四品以上吏部具缺取上裁於是御史劉璧吳遠馮徽言陛下高處九重焉能盡臣下短長今云取上裁乃內閣欲攬權耳請一切歸吏部便亡何又值計吏斥退者益衆又多大臣姻黨旻爲上章請都御史覆考留者幾半給事中蕭彥莊險而鷲與大理卿王槃同郡相比繫亦異秉去代其位喉彥莊劾秉舉錯任情

且言其陰結年深御史以攬權下法司議恭旻輒承伏曰言官所劾誠當顧吾兩人言之奈公不聽何刑部尚書陸瑜附會二人意爲奏帝以秉負任使奪太子少保致仕而罷布政使孫遇丘陵僉事李齡等官三人皆世所目爲正人而彥莊指爲秉私人者也又命彥莊指秉所結御史爲誰則以劉璧等三人對帝大怒俱下錦衣獄令雜治論杖贖遂出璧等爲知縣而停彥莊俸丘陵訴彥莊前奉使過治所嗔無禮際故見訐廷鞫果有因坐彥莊誣罔謫大甯驛丞陵得復官方秉被劾時勢洶洶潛菴先生史稿列傳一卷之九

且逮秉秉謂人曰爲我語閣中諸老秉罪惟上所

剛正風槩可想

命第毋入獄入獄秉必不出恐傷國體因具疏引

咎畧不自辨是時天下舉子方會試禮部投卷奮

罵曰李公天下正人奸邪誣之若罪李公願罷我

等試以贖及見帝薄責秉乃已秉行官屬餞送數

百人有泣下者秉慷慨登車去時論益賢之秉去

而恭遂爲尚書秉居鄉與河州王竑並爲時望所

屬竑高自標置而秉謙和接物出入閭巷歲時伏

臘與嗇夫里老爲雞豚社飲竑頗以是爲言秉聞

之自若曰大臣者豈長爲之立朝居鄉固自異耳

秉誠心直道夷險一節屢遭謗黜角巾野服如將
終身然國家有事朝召夕至其後侍講陳音等薦
疏十餘上大臣終忌其方鯁竟不起年八十二卒
贈太子少保謚襄敏彥莊之謫丞也署大甯縣爲
盜所殺戕其家人以爲有天道

何異史記記武安之遭鬼咎

崔恭字克讓廣宗人正統元年進士除戶部主事
歷郎中督延綏糧儲有能譽以李賢薦知萊州府
萊濱海難治恭至循行屬邑獎善良去貪暴增修
學宮廟堂齋舍萊庫歲入漕海布數萬久輒浥爛
守者率至破家恭請量留數千疋餘並出爲軍餉

潛菴先生史稿

列傳一
卷之九

十一

守者便之二十三年大旱蝗恭親督捕焚瘞畧盡乃
發郡縣倉勸富民出粟賑貸奏免屬邑逋租全活
甚衆明年也先犯京師恭集民兵數千遣官部署
入援是歲議城臨清檄發郡夫恭以方春民且乏
食請俟秋成及秋檄再下始以郡民赴役無後期
者居郡六年萊人歌頌至比漢楊震震嘗刺是郡
民爲立祠恭去後登萊復大饑萊父老相謂曰使
崔使君在我輩何至此因爲樹碑震祠中超遷湖
廣右布政使苗寇侵武岡守臣議進兵恭督民兵
輸餉助之寇乃就撫公安監利流民擅相攻恭曰

勿急急之變且大下令願附籍者聽否且俟秋遣
歸衆遂定尋遷江西爲左臨行囊中惟圖書衣數
襲而已司有廣濟庫官吏乾沒至五十萬恭發其
奸上都御史韓雍按治之坐前布政使奪其官又
制均徭法酌輕重十年一役後遂守爲定例弋陽
王奠璫許甯王奠培不法韓雍率三司官以聞詔
遣中官方伯樂僉都御史余儼案之戍其教授游
堅王由是怨待三司寢倨恭不能堪王又嘗囑恭
增造宮殿又請南昌城內東西二湖派歲祿於近
府屬縣恭皆執不從護衛軍有犯輒持法不少貸
潛菴先生史稿

列傳一
卷之九

七

王愈怒計恭僭造火夫號衣諸事勅御史張綱覆
之無驗王復奏綱私庇恭於是恭與按察使原傑
巡按御史周一清連章論王私獻惠二王所遺宮
人護衛軍生女長不令嫁輒收之逼內官熊璧自
殺其護衛橫甚不削奪慮有變帝遣中官懷忠借
錦衣衛官案之具如恭等言坐奪護衛王誣奏恭
事置不問天順二年擢右副都御史巡撫蘇松諸
郡按部進耆老令人得盡言利病爲興革佐都督
徐恭浚儀真漕河又浚常鎮河避江險已又治松
江起崑山之夏界口至嘉定之莊家涇凡浚萬四

千二百餘丈又浚曹家港蒲塘新涇諸水民賴其利因曰曹家港爲都堂浦先是周忱奏定耗羨則例時頗稱便李秉改定以賦之輕重遞爲盈縮其例甚平而難於稽筭吏不勝煩擾弊益滋恭乃罷去悉如忱之舊巡撫蘇松自周忱後恭爲特著其行事多倣忱爲之然尚嚴切不若忱之寬至欲蠲民疾苦如痼瘕在身則與忱無異也四年英宗以王翱請老命舉一人佐之翱以恭對帝喜以爲右侍郎恭佐翱用人無偏黨翱亦倚任不疑帝嘗與李賢論王翱因言恭與姚夔亦佳賢對曰恭夔才潛菴先生史稿

列傳一卷之九

十四

器異日皆尚書選帝以爲然會帝崩不果用比翱

直筆不以瑜掩瑕

卒而憲宗竟探廷議用李秉恭不悅與右侍郎尹

旻比而謀去之而恭卒代秉爲尚書未久以母喪

去九年起南吏部尚書故例南太學生歷事滿必

抵北京紀選貧者苦往復率多淹滯恭疏請得紀

選南部尋奉勅叅贊南京機務以疾累請致仕許

之賜璽書嘉勞傾都餞送十餘里不絕十五年卒

贈太子少保謚莊敏恭初無子以從子珂爲後已

而生子璿恩廕皆屬珂人以爲難爲人廉靖自守

遇人不爲矯飾而是非臧否必歸於正在吏部尤

知大體愛惜人才獎拔後進顧以排李秉爲時議所譏不得比於翺秉云

姚夔字大章桐廬人正統七年進士鄉會試皆第一授吏科給事中郕王監國諸大臣議勸卽位未久詢諸給事夔曰朝廷任大臣正爲社稷計何詢小臣爲議遂定也先薄都城夔請檄總兵楊洪曹義各部勁兵夾擊之亡何師集也先引去景泰元年超擢南京刑部右侍郎三年改南禮部奉勅考察雲南官吏明年還朝留禮部景帝不豫尚書胡濙在告夔強之出率羣臣請立皇太子商輅具稿

潛菴先生史稿

列傳一
卷之九

五

有陛下宣宗皇帝之子當立宣宗皇帝之孫語夔於立字上加一復字疏具擬詰旦入奏而是夜英宗已復位石亨等惡夔不附已譖而出之南京帝雅知夔又微聞前復儲議驛召還賜二品服遷禮部左侍郎明年吏部侍郎缺帝以問李賢賢言夔表裏相稱有大臣之量遂移吏部有知府以貪敗重賄石亨求復官右侍郎孫弘亨黨也欲予之夔不可曰我寧失官不能隨人已而亨敗弘亦左遷夔名益重七年進禮部尚書夔明典禮憲宗初卽位耕籍田幸太學悉夔奏請時帝頗事齋醮工役

賞賜寢廣夔率羣臣上言陛下念祖宗付託閔斯民艱瘁勿以目前無事而肆於佚樂以禮法齊家以節儉制用官爵毋濫授金帛毋虛糜土木毋妄興齋醮毋頻設出入有方遊幸有度畱心萬幾無忘政務帝嘉其言慰諭之朝鮮進海東青夔言非故事明王不賓遠物請下詔非常貢毋得進又言尚書王佐鄭埜土木死事雖贈少保未得易名請比黃福例賜謚皆從之四年上言陛下春秋鼎盛而震位尚虛宜均愛六宮以廣胤嗣異端之說尤不足聽乞罷西山所建寺塔斥回阿叱里之徒勤

潛菴先生史稿

列傳一卷之九

七

視經筵裁決庶政親君子遠小人服食言動悉遵祖宗成憲以回天意又言今日之治不在他求惟守成化初政足矣帝嘉納之慈懿皇太后崩中旨別議葬地大學士彭時商輅持不可帝重違周太后意下廷臣集議夔率群臣疏言慈懿皇太后作

字字懇切

配先帝二十餘年誠孝一心險夷一德先帝眷禮始終無間陛下嗣位既隆所尊復崇所親至仁大

孝昭於天下今日合葬升祔典禮具在一有不慎違先帝之心損母后之德綱常大事使將來據禮

而議改如陛下孝德何疏凡三上又率群臣伏哭

此與立太子一事尤偉

文華殿門聲徹大內帝爲感動固請周太后始從其議旨下夔率羣臣呼萬歲而退其後孝宗嘗見夔及彭時疏謂劉健曰先朝大臣忠厚爲國如此南京兵部尚書李賓奉勅賑流民議官民子弟納粟入監夔言太學育才之地頃年爲數已濫今復有此恐天下以貨爲賢請別爲處置從之夔嘗薦僉都御史張岐巡撫遼東坐累逮繫御史謝文祥因劾夔失舉帝怒下文祥獄夔請宥文以開言路因乞罷不許五年代崔恭爲吏部尚書明年以雪兩失時率諸司條上時政因言陛下一身宗社生潛菴先生史稿列傳一卷之九

靈所萃可憂之事方衆水旱災傷盜賊邊患無日無之可憂也賢人未用小人未遠可憂也正道未修邪術未屏可憂也乞令內閣諸臣每五日一奏天下事陛下時御便殿咨謀可否而行之時畿內大饑夔請遣官循行郡邑督有司行賑帝爲遣郎中桂茂之等十四人往明年加太子少保彗星出軒轅反覆諷諫語益明切江南海溢漂民廬舍夔上言宋儒真德秀云人主修德講學則天下安昆虫草木各得其所從來禍亂常起於災傷饑饉之餘毋謂天道疎遠有象無應請命廷臣講求安民

弭患之方帝因餘勳百司免是年租賦鹽課皆自
夔疏發之夔見災異洊臻時憂形於色乞罷歸田
里不許未幾卒贈少保謚文敏夔才識通敏遇事
立斷立朝三十餘年憂國之心老而彌篤其在吏
部銓注明允論薦人才率能稱職顧頗右南人又
不拘小節論者以夔練達類唐杜黃裳而清謹不
及云

尹旻字同仁歷城人舉鄉試第一正統十三年進
士改翰林院庶吉士授刑科給事中景帝時國事
危疑旻建白多傳正議天順初遷左給事中嘗奏

潛菴先生史稿

列傳一
卷之九

十六

事殿中英宗見其儀觀瓌瑋欲大用之累遷通政
司左叅議冊封安南國王至廣東聞黎琮弑立乃
奏聞還京五年督餉陝西言邊騎芻秣不敷宜開
中鹽或卽塞下募民輸納緣事官吏及雜犯皆得
入芻贖罪請勅部議又言西邊輪輓動經數百里
外平涼之人旱疫相繼又遭徵發漸以逃亡轉而
爲盜卽寇患可除而隱憂方大帝以爲然詔邊將
亟畫戰守毋重困農民以母喪歸明年驛召至京
擢吏部右侍郎久之轉左成化初出董漕事事集
王翔李秉崔恭姚夔相繼掌銓皆倚信旻旻有才

畧通敏無滯四尚書皆倚重之時在廷諸大臣南
北各私其鄉黨議遂興掌吏部者見忌尤易王黜
最號剛正在位爲久自秉以下不久輒罷而劾秉
者爲給事中江西蕭彥莊北人譁然指南黨善傾
危而內閣執政故南人也頗患之乃進恭以彈謗
甫數月恭以憂去及夔爲尚書好引用南人北人
又搆以蜚語至曰斬却姚夔頭去祭王翺墓彭時
欲召崔恭於南京而旻佐銓久欲得之不得已遂
用旻旻旣爲尚書甄別人物隨才授任各得其職凡
經銓注雖稠人小吏旣久猶識其名奸僞無所售

潛菴先生史稿

列傳
卷之九

五

而考功一以典例行之一時選人皆以爲能歷加
太子少保至太子太傅凡典銓者十四年大學士
萬安與學士彭華皆有所干請旻不應安與華大
惡之方士李孜省貴幸用事亦屢干旻旻亦不可
又嘗應召陳言請罷傳奉每傳奉下部旻輒持之
故孜省惡之尤深於是安華孜省比而謀旻矣而
此發之是時大學士劉翊旻鄉人也位亞於安安憚之不
得行旻而翊免官歸安引尹直入閣共謀搆旻顧
未有以發也而旻子侍講龍頗通賂南人譁之旻

鄉人兵部郎中鄒襲坐事謫官而蔚州左衛指揮

使張珩等奏留之下部議旻請可其奏孜省遂從
中譖之傳旨切責而安又使邏卒刺得襲珩交通
狀遂下珩等獄罷襲爲民而安等諷言官并劾旻
遂奪太子太傅踰月東廠官校復訶龍諸陰事下
龍詔獄於是言官復劾龍竊父權大開倖門而旻
縱子枉法失大臣體有旨執龍拷訊辭連多官獄
具除龍名旻致仕侍郎耿裕等以失救正停俸有
差侍郎侶鍾秦絃等皆坐旻鄉里故舊貶斥者凡
數十人孝宗卽位孜省伏誅安等相繼罷斥言官
累疏薦旻而旻已老不果用弘治十六年卒年八
潛菴先生史稿列傳
卷之九

三

十二贈太子太保謚恭簡旻旣去而耿裕代爲尚
書兩月李孜省譖而遷之以李裕代

簡潔勁峭中詳核曲盡非海鹽所可肩隨

胡濙魏驥列傳

胡濙字源潔武進人也生而髮白彌月乃黑見者異之舉建文二年進士授兵科給事中永樂元年進戶科都給事中尋署祭酒建文帝之崩或言實遜去諸舊臣多從亡者成祖大疑之熟察近侍中獨濙忠實可任乃遣巡行天下名訪張邁邇而陰察人心向背與建文帝所在時傳帝入滇南故濙在湖湘最久十四年間母喪還朝乞終制不許遷禮部左侍郎仍遣之出明年巡江浙二十一年巡均襄還朝會車駕北征駐蹕宣府濙夜馳謁帝已

潛菴先生史稿

列傳二卷之九

三

卧聞濙至遽披衣起召入曰卿驅馳良苦賜坐與

不獨寬憂成祖亦所以安建

語濙頓首徐奏曰不足慮也濙未至時傳言建文

文也用心最苦

蹈海去帝分遣內臣鄭和數輩浮海下西洋及聞

濙語疑始釋仁宗監國數爲高煦所間復命濙至

南京訶察之濙密疏監國七事且言太子誠敬孝

謹無他帝覽之大悅仁宗卽位轉太子賓客兼南

京祭酒後闕宮中密疏見所述七事歎曰濙忠慎

朕不及知也未及召而崩宣宗卽位復禮部左侍

郎兼太子賓客其冬來朝畱行在禮部明年代呂

震爲尚書一年賜第給闈三年賜銀章二其文曰

文恭世家清和恭靖是秋扈駕出會州明年夏再
扈巡邊盡賜所沒常豪民田宅尋兼詹事六年兼
領行在戶部事澗有才猷深厚不洩禮典財賦經
畫有章國家大議與閣臣相可否必執正論帝嘗
曲宴輒命澗與楊士奇蹇義夏原吉侍曰海內無
虞四卿力也正統元年失行在禮部印上章自劾
帝不問命改給九年引年請致仕不許十四年英
宗北征畱守京師景帝卽位進太子太傅時雲南
金齒衛知事袁敏請遣使通候上皇起居下部集
議會遣右都御史楊善使瓦剌澗因言上皇蒙塵

潛菴先生史稿

列傳二卷之九

三

已久宜附善等量齋服食御物如敏言不報上皇
駕旋勅禮部具迎復儀注王文以爲不可衆莫敢

言澗獨上儀注言宜遣禮部大臣迎至龍虎臺錦

衣衛指揮領官校丹陛駕輦迎至居庸關百官以

次出迎北郊外太上皇入自安定門於東上北門

南面坐皇帝見畢百官朝謁奉上皇入南內帝難

之曰迎駕居庸用一車二馬足矣給事中劉福等

言迎駕不宜禮太薄帝曰尊稱太上何云薄耶澗

言福欲陛下篤厚尊親耳朝退得一匿各書言上

皇至京師帝宜避位遜辭而後受命因述唐肅宗

故事給事中于泰以聞帝怒命按捕因下千戶龔
遂榮詔獄淡言父兄一也肅宗收復兩京迎還上
皇故事與今日畧同願陛下備法駕迎上皇安定
門外於禮爲宜帝竟僅迎東安門內駕入南宮百
官行見禮焉十二月淡率禮官請以正旦群臣朝
上皇於延安門不報二年災異乞歸不許三年以
太子太傅加少傅懷獻太子立進兼太子太師于
一月己巳上皇萬壽節淡請百官拜賀於延安門
不許英宗復位力疾入請老辭師傅職帝念淡前
後諸疏特賜寶鏹織金襲衣給驛舟以歸獨以易
潛菴先生史稿列傳二
卷之九

三

儲故罷其師傅明年遣子長甯入謝帝慰勞有加
賜長甯官錦衣衛世鎮撫使歸終養淡爲人平易
寬和廉靜寡慾自奉簡薄興居有常立朝幾六十
年十知禮部貢舉雖備夫監子亦知其爲長者屢
處人主骨肉危疑之際委曲調劑所全實多惟易
公一生大節曰
儲一事不能力爭士論猶有歉云弟克恭克甯克
此責賢者之備意
誠並年踰七十雍容白首名其堂曰壽豈卒年八

十九贈太傅謚忠安

魏驥字仲房其先固始人徙臨安父希哲洪武初

知上高縣又徙蕭山遂爲蕭山人驥少嗜學通五

經永樂三年鄉薦明年會試乙科授松江府學訓導以真知實踐爲訓諸生讀書學宮夜分自攜茗粥勞問與諸生相見必整衣冠無間寒暑士皆感激自奮滿丸載諸生請闕請畱命復任久之用薦遷太常博士太宗謂之曰劉履節爲御史九年高皇帝方授是官固不輕予人也十七年侍皇太子北上署行在太常寺事次年始舉郊壇宗廟耕籍諸大典禮驥皆與議二十二年扈從北征會太宗崩榆木川與議喪儀宣德初遷吏部考功員外郎南京太常寺少卿正統三年召試行在吏部左侍

潛菴先生史稿

列傳二卷之九

言

郎踰年爲真有進士未終制求爲考功者同官將許之驥持不可法司因旱恤刑有王綱者惡逆當辟或憫其少欲緩之驥曰此婦人之仁天道不時正謂此也獄決而雨畿甸蝗奉詔巡視問民疾苦所至蝗爲之息時中官王振怙寵權侂人王公卿道遇之皆歛輿却避驥與遇崇文門獨不爲禮振銜之譖於帝一日帝御便殿忽召問驥驥具實對且慷慨言曰臣不才備位卿貳而避奄人臣不足惜奈朝廷何帝動容嘉嘆尋以老辭不許調禮部改南京吏部十三年滿丸載入見乞致仕不許進

南京吏部尚書廊王監國率諸司條上安攘事宜
多見施行景泰元年至京師請老大學士陝循驥
門生也請間曰先生雖位冢宰未嘗立朝願少待
事在循輩而已驥正色曰君爲輔臣當爲天下進

賢才不得私一座至退語人曰渠以朝延事爲已

安和氣宇

私事安得善終竟致仕去驥端厚祇慎顧徑直好

想見恬淡

別白君子小人恒曰無是非之心非人也蒞官持
大體在太常山川壇獲雙白兔圻內生瑞麥皆却
不進奉使畿甸復漢循吏及唐狄仁傑祠家居二
十年憂國及民老而彌篤蕭山故多水患有宋縣

潛菴先生史稿

列傳二
卷之九

五

令楊時湖隄遺跡驥躬倡修築西江北海湘湖螺
山石巖畢公諸塘堰捍江潮興湖利鄉人賴之居
恒布衣糲食不殖壬產事兄教諭驥雖耄益恭謹
時戴笠行田間與野人田父雜處不爲崖異常遇
錢塘主簿不及避簿遣隸訶問之徐答曰蕭山魏
驥也主簿倉皇前謝驥慰遣之成化七年監察御
史梁昉上言臣先任蕭山縣竊見致仕南京吏部
尚書魏驥生平學行醇篤心術正大諳於世事瞭
於國體今致仕二十餘年年九十八歲臣讀前史
有以歸老賜祿畢其身者有尊養三老五更者有

安車蒲輪召者有賜几杖者上齒德也驥齒德有餘爵在上卿以曾孟言可稱達尊乞下所司斟酌前代故事施行遣行人存問賜羊酒命有司月給米三石使命未至驥以是月前卒預書戒其子完辭祭葬勿累鄉里病革起坐舉手曰無以報朝廷完以驥遺言詣闕辭營葬并乞以工料金賑饑民帝憮然曰驥臨終遺命猶恐勞民可謂純臣矣許之賜謚文靖九年賜祠蕭山與楊時合祠驥性廉介富於文學常兩奉使冊封慶代二王府賜遺一無所受屢典文柄如陳循蕭鑑李賢周叙劉定之潛菴先生史稿列傳二卷之九

三

輩出其門者多爲名公卿所著有南齋集素履集理學正義水利切要諸書

胡公建白於骨肉之際魏公安閒於進退之間叙次處使人讀之一則惻然興懷一則曠然安遇

苗衷馬愉高穀陳循蕭鎡王文江淵王一寧
許彬列傳

苗衷字秉彛定遠人永樂七年舉禮部會太宗巡狩北京詔中式舉人入國子監讀書九年車駕還京廷試擢衷一甲第二授編修宣德初預修兩朝實錄進侍講正統初以楊士奇薦與高穀馬愉曹鼎同直經筵三年預修宣廟實錄進侍讀學士十年遷兵部侍郎兼侍讀學士入閣預機務景泰元年進兵部尚書兼學士會兩京多災衷上疏自劾乞致仕上賜詔曰卿高第發身事我皇曾祖考以

潛菴先生史稿

列傳三卷之九

三

逮於朕凡四十年歷官翰林長官巽有倚毗曾未幾時遽以老辭揆之古先哲王求舊之美固不能忘而士大夫甘退之節亦不可拂特賜寶鑑金綺給舟以歸以副朕懷賢念舊之意卒年八十贈少保謚文康子穉官監察御史衷爲人溫厚簡重外和內莊樂道人善嘗主考會試得姚夔呂原劉儼韓雍程信頂忠白圭後皆以功名顯時稱得人

馬愉字性和臨朐人宣宗二年進士第一授翰林修撰進學文淵閣召試稱旨賜寶楮正統元年楊

士奇薦直經筵二年進侍講學士五年入閣預機務尋遷禮部右侍郎卒贈尚書兼學士贈官兼職自愉始愉以文學受知兩朝爲人端重簡默門無私謁論事務崇寬厚楊士奇嘗展墓還言所歷郡縣預備倉多傾圯或謂茲事久廢無煩經營愉曰政之興廢在人積貯天下大命也而可緩乎因畧議以聞帝爲遣廷臣巡視又奏郡縣獄歲久不決率致瘦死有垂天和宜遣練達刑名者詳審之帝並嘉納勅下所司邊寇竊發上方命將往勦會其別部使至衆議請執之愉抗言曰賞善罰惡爲治

潛菴先生史稿

列傳三卷之九

三

之本因惡以罪善非法乘人之來而止之非武帝從之厚遣其使於是所部皆感悅歲入貢不絕其持論得大體類如此

高穀字世用揚州興化人十歲補諸生永樂十三年舉進士改庶吉士授中書舍人洪熙初以薦遷翰林侍講正統元年用大學士楊士奇薦克講官賜三品服與修實錄累進工部右侍郎入內閣典機務英宗北征穀畱守京師景帝立進工部尚書兼翰林學士掌閣務如故是時也先數請奉迎英宗而時出侵宣府大同間廷議遣使通問相顧莫

敢應中書舍人趙榮發憤獨請行穀壯之解所佩金帶以贈曰子忠義人也英宗還將至京廷臣議

奉迎禮有千戶龔遂榮者投書穀所言上皇之出

非為遊畋今人心未厭禮宜從厚穀袖其書入朝

徧示廷臣曰武夫尚知此禮况儒臣乎都御史王

文趣止之餘皆錯愕不敢出言而穀執議益堅已

而言官奏聞景帝詰書所從得穀直前對曰得自

臣所於是遂榮恐累穀自縛詣闕下下詔獄尋赦

出而卒具禮迎英宗安定門外如穀議景泰二年

進少保東閣大學士明年易儲議起大學士陳循

潛菴先生史稿

列傳三卷之九

元

贊成之穀不敢爭尋加太子太傅亦不敢辭七年

進謹身殿大學士是歲秋陳循王文以子不得舉

鄉試搆考官劉儼等穀時在告強起力救之且曰

大臣子與孤寒競進已不可况又不安義命欲藉

此搆考官乎於是止黜林挺一人事遂已英宗復

位循文等皆得罪穀謝病而英宗謂穀長者曰穀

在內閣議迎駕及南內事常左右朕其賜金帛襲

衣給驛舟以歸尋復賜勅獎諭備至穀既去位杜

門絕賓客有問及景泰天順間事者輒不應居四

年病卒年七十穀美丰儀樂儉素任中書時嘗奉

命寫經寺中遇雨徒跣歸或勞苦之穀對曰穀何足惜盍達執政白上止其事所全不更大乎聞者偉之及位台司敝廬瘠田僅給晨夕身沒未幾子孫貧寒當時內閣七人獨穀號持正嘗曰清議可畏以是見忌於人亦以是受知英宗成化初以姚夔言得贈太保謚文義

陳循字德遵江西泰和人舉鄉試第一永樂十三年進士廷對第一授翰林修撰循才思鸞發爲文援筆立就且習熟朝廷典故成祖幸北京命循取秘閣書詣行在遂留侍焉洪熙元年進侍講宣德

潛菴先生史稿

列傳三卷之九

三

初與楊溥同受命直南宮日承顧問賜第玉河橋西巡幸未嘗不從五年進侍講學士宣宗留心經史頗以文翰自雄御史張楷作詩獻帝涉時政帝疑其干進欲罪之循曰彼亦忠愛故也事遂解而御史陳祚出按江西又上疏勸讀大學衍義語類譏諂帝大怒立命往逮既而問循循頓首曰是誠當讀祚小臣且處遠方不知聖學淵深然其心則無他也帝怒稍平比逮至下獄後竟免死正統元年兼經筵講官七年進翰林院學士九年入文淵閣典機務十年進戶部右侍郎兼學士土木之變

廷議洵洵循居中用事所言多見採納進戶部尚書兼職如故也先擁英宗入關索大臣出迎循請勅各邊精騎入衛且廣發榜文招諭回番以疑其心也先卒歛兵去英宗歸景帝無意返正循依違其間景泰二年進少保景帝欲易太子內畏諸大

臣議先期召循等從容宴宮中各賜黃金甚厚循

事去矣與英公正相類

得賜意大感悅比乎詔下群臣議廢立循遂先以

爲可以恩加太子太傅循既寵任乃集古帝王行事名曰勤政要典上之帝嘉納七年進華蓋殿大學士是年秋以子英與少保王文子倫應順天鄉

潛菴先生史稿

列傳三卷之九

三

試未中式遂與文構考官劉儼黃諫欲中以危法

賴高穀力救得免景帝重違循文意特賜二子會

試於是言官交章論循文以天子股肱私其子撓

亂國法宜賜罷斥帝心善之然竟無所罪也帝不

豫廷議請復立東宮未決而奪門之事起英宗復

位于謙王文皆置重典杖循百戍鐵嶺循循久居

政地而刻躁多私爲士論所薄至嚴譴則石亨徐

有貞輩爲之非帝意也後亨等相繼敗循自貶所

上疏言臣歷事列聖遭逢陛下備員東閣鄙王攝

位以臣通曉典制使如舊供職論事不能迎合強辨

見疎外及郟王疾篤議立東宮方具疏未進而亨
等已迎駕復位緣郟王有疾惟亨嘗蒙宣至齋宮
受命代祀親見病已彌留故與所親厚密議迎復
冀邀功賞臣思天位陛下所固有百官六軍誰不
傾心愛戴當天與人歸之時群臣備法駕設大樂
恭詣南內奉請臨朝非特宮禁不驚抑亦可示天
此却是正
下萬世而亨等僥倖一時計不出此卒皆自取禍
敗臣服事累葉曾著微勞實爲所擠惟陛下憐察
英宗憫之詔歸田里抵家一年卒循邑人蕭鑑同
時在內閣與循俱被劾罷爲民鑑字孟勤宣德二
潛菴先生史稿列傳三
卷之九

年進士八年宣宗命楊溥合選三科所得士拔二
十八人爲庶吉士鑑爲首十年授編修正統元年
進侍讀十二年爲國子監祭酒景泰元年以老病
辭監丞鮑相率監生三千人叩闕請留景帝可其
奏命克經筵講官二年幸學命坐講通鑑尚書稱
旨進戶部侍郎兼翰林學士人文淵閣與陳循王
文輩同事三年易儲議起鑑曰無易樹子霸者所
禁矧天朝乎不聽以恩加太子少師七年進戶部
尚書景帝不豫諸臣議復立憲宗吏部侍郎李賢
私以問鑑鑑曰既退不可再也於是衆喻其意英

宗復位遂削籍天順八年卒鉉學問該博文章爾雅言動類長者然性猜忌遇事輒多退避人以此少之

北傳專文刻險傳麗醜正册

王文字干之初各強束鹿人也永樂中由舉人計奸處神采飛動偕京師成祖命選下第者給冠帶入國子監進學

文與焉十九年舉進士授監察御史持廉奉法爲都御史顧佐所稱時彰德妖賊張普祥謀逆奉命往治還奏稱旨賜今各遷陝西按察使正統四年以薦擢右副都御史巡撫甯夏入爲大理寺卿久之遷右都御史劾吏部尚書侯璉貪墨中外憚其

潛菴先生史稿

列傳三卷之九

三

風采十年代陳鑑鎮守陝西以疾求退召遷掌院事文爲人深刻有城府果於自用面目嚴冷與陳鑑同事一揖之外未嘗接談顧不能無所附麗嘗希王振意論大理寺少卿薛瑄獄竟坐瑄死爲清論所斥也先寇大同時議令邊民入城避軍鋒文獨謂也先無足畏願鎮定無搖民心已而寇退景帝遂以爲能益見委任也先議送上皇還京千戶龔遂榮投匿各書於高穀所言奉迎禮宜從厚王上當避位懇辭而後受命穀袖其書入朝示文武

大臣皆莫敢發言胡濙王直欲上聞文曰匿各文

書可上聞耶及葉盛程信疏入得旨文獨不懌英宗回鑾廷臣議往迎文曰公等謂上皇果來耶也先豈真不索金帛不索土地而遂送駕來耶辭色甚恚衆相視莫敢言然惡之者滋衆矣三年廣西奸人黃玟請易儲下廷議文首云當易衆唯唯署名給事中李侃執筆大慟都給事中林聰抗言皇太子已立無過當置何地文怒瞋之聰不得已亦署而太子竟易文加太子太保當是時高穀與陳循不相能各欲引入自助於是請增閣員而文又深結中官王誠謀入閣益急循舉其鄉人蕭維禎

潛菴先生史稿

列傳三卷之九

十四

穀遂舉文於是以吏部尚書兼翰林學士入直文淵閣文既秉政嗾御史王溥論聰欲致之死賴高穀力救得免而文遂與穀卻未幾奉勅巡視蘇松饑民獲長洲強盜許道師等二百人文欲張大其功悉坐以謀反械送京師言官請會官勘實減釋爲多蓋其刻深如此尋進少保兼東閣大學士再進謹身殿七年以子倫不得舉與陳循許考官劉儼等欲置於法語具儼傳景帝不豫羣臣請復立沂王文曰知朝廷之意誰屬耶議未定而英宗復位石亨等遂嗾言官劾文與于謙等謀迎立襄世

子命鞠於廷文力辨曰召親王須用金牌信符遣人必有馬牌內府兵部俱可驗辭氣激壯廷臣知其誣無敢爲之言者遂與謙同斬於市諸子悉戍邊一時人痛謙之死而亦知文之寃也然謙有社稷功而以文平日迎駕易儲之議實有以啓之故論者不能與謙同云憲宗立赦其子倫還改名宗彘復中成化二年進士官至南京禮部尚書訴父寃詔復其官加太保謚毅愍宗彘機警巧宦附汪直開豐建州又曲斷御史強珍獄爲時所譏

江淵字世用四川江津人宣德五年進士八年改

潛菴先生史稿列傳三卷之九

五

庶吉士正統元年授編修十二年以待講選入東

閣累進刑部右侍郎兼翰林院學士廊王監國徐

有貞倡議南遷太監金華叱出之踉蹌過左掖門

時淵在直迎問之有貞曰以吾議南遷不合也於

是淵入因極陳固守之策時兵部尚書于謙亦以

爲言遂大見稱許未幾也先薄京師命淵叅都督

孫鏜軍事營於城西也先引還尋改戶部右侍郎

仍兼潘督餉還乞致仕淵請留之以慰人望又言

自松潘督餉還乞致仕淵請留之以慰人望又言

禮部侍郎王一甯可大用詔一甯侍經筵而瑄留

禮部侍郎王一甯可大用詔一甯侍經筵而瑄留

治事如故又言今春土星入垣近日太白晝見日
食朔旦此紀綱不振法度縱弛所致往者星變大
臣求退朝廷不許忝冒班行乞將臣先賜黜罷則
如臣之冒濫者亦必自省退避賢路然後慎簡才
賢以資任使庶可感召天和銷弭災眚因陳三事
一請賞邊衛以孤也先之勢一請釋餘丁以安軍
職之家一請禁誣訐以免枉濫之害詔悉施行明
年京師久雪不霽淵又上言漢劉向曰凡雨陰也
雪又雨之陰也出非其時迫近象也茲當仲春少
陽用事而寒氣協之占法以爲人君刑法暴濫之

潛菴先生史稿

列傳三
卷之九

美

象伏惟陛下恩威溥洽凡一刑一罰未嘗不曲從
寬宥何上天示戒如此臣竊恐有司奉行有所未
至冤枉有所未伸且向者下明詔免景泰二年稅
糧之三今復移檄追徵則是朝廷自失大信於民
怨氣鬱結所由致也伏願陛下渙發德音信詔令
以保萬類幸甚有旨法司申寬濫詰問戶部何故
違詔下尚書金濂於獄卒免稅如令以易儲恩加
太子少師五年同平江侯陳豫往山東南撫安
軍民淵請築淮安月城以護常盈倉修徐州東城
以護廣運倉事下所司當是時內閣多不相能而

陳循王文尤刻私淵好議論每爲同官所抑意忽
忽不樂會兵部尚書于謙以病在告詔推內閣一
人協理部事淵有意出而循文等難之乃調工部
尚書石璞於兵部而淵竟補工部淵頗失望明年
英宗復位與陳循等俱謫戍遼東未幾卒後曹吉
祥石亨敗乃追復其官

王一甯仙居人父俊用任國子監丞一甯年十三
隨父居京師以能詩名仁宗在東宮聞之召見試
銀河詩深見嘉賞使讀書國子監年二十二舉進
士遭父喪家居且十年宣宗詔求文章之士一甯

潛菴先生史稿

列傳三
卷之九

三

適需次至京師吏部以名聞召試稱旨擢吏部稽
勳司主事供事文華殿改翰林修撰正統初與修
宣宗實錄成進侍講復以母憂去九年克講官授
內使書累遷禮部右侍郎景泰元年討貴州叛苗
命一甯督餉湖廣軍興弗置一甯本以文術進暇
日輒詣學召師生講論經義居數月湖湘士風爲
之一振明年召還京師仍理部事以江淵薦又內
使王誠以受業舊恩左右之尋遷左侍郎兼翰林
院學士入文淵閣叅預機務三年景帝易儲加大
子少師是歲以疾卒年五十有六贈太子太保禮

部尚書謚文通一甯閩敏疏達爲文有體然圓熟
希世不能有所樹立士論惜之

許彬字道中甯陽人登永樂十三年進士改庶吉
士授檢討正統閒累遷太常寺卿景泰元年英宗
北還議遣近臣迎駕彬毅然請行至宣府謁見英
宗命書罪已詔及諭羣臣勅仍遣祭土木陣亡官
軍以此受知英宗八年正月景帝不豫武清侯石
亨等密議迎駕南內以其謀問彬彬曰此社稷功
也雖然彬老矣無能爲矣盍圖之徐元玉元玉者
有貞字也英宗復位進彬禮部左侍郎兼翰林院
潛菴先生史稿列傳三
卷之九

三六

學士入文淵閣辦事彬既執政推誠布公然亦無
所建白未幾爲石亨所忌出爲南京禮部侍郎尋
謫陝西參政亨敗乃復官卒贈禮部尚書謚襄敏
陳循王文高穀江淵既有事蹟可紀隨文加
意自成曲折餘因同類比附具始末而已

曹鼎張益鄺埜王佐丁鉉王永和鄧榮姚銑
鮑輝包良佐黃綬黃裳俞鑑申佑張瑋羅如

壩馬豫李昱列傳

曹鼎字德恒甯晉人宣德初以舉人署代州學正

自陳年少不敢為人師願入太學肄業或得一劇

官明○初用人不拘如○此自效改泰和縣典史七年部匠役入都疏乞會

試中禮部第二廷試進士第一人授翰林院修撰

正統元年兼經筵講官預修宣宗實錄書成進侍

講五年二月以楊士奇等薦同馬愉並直內閣典

機務九年進翰林學士鼎為人內剛外和通達政

潛菴先生史稿列傳四卷之九

體時士奇等相繼卒凡議大政諸臣皆推決於鼎

中官王振用事鼎正色不少假振亦憚而忌之尋

遷吏部左侍郎仍兼翰林學士十四年也先寇大

同王振勸帝親征鼎與諸大臣扈蹕從至宣府諸

臣請班師不聽鼎曰臣子固不足惜主上繫天下

安危豈可輕進振怒曰倘有此亦天命也既而前

驅敗報踵至振始懼還次土木也先遣使通和帝

召鼎草詔答之寇騎突蹂陣而入鼎及從官數十

人皆死之景帝立贈榮祿大夫少傅吏部尚書兼

文淵閣大學士謚文襄官其子恩大理評事英宗

復位加贈太傅改謚文忠又官其子錦衣衛百戶張益字士謙江甯人永樂十三年進士改翰林庶吉士授中書舍人遷大理寺左評事宣德九年命與庶吉士江淵徐瑛蕭鑑等三十七人讀書文淵閣正統三年遷修撰於內府授小內使書滿九載進侍讀學士十四年五月命入內閣知制誥八月從駕北征死於土木贈翰林學士謚文僖官其子翊鴻臚寺序班益能文善小楷與楊溥善又與太常卿夏景以著作相高景見益石渠閣賦遂不復作文其推重如此

潛菴先生史稿

列傳四卷之九

四

鄺埜字孟質郴州宜章人父子輔爲句容教諭埜登永樂七年進士授監察御史時車駕在北京或奏南京鈔法爲豪民沮壞帝遣埜廉視衆謂將起大獄埜惟擒一市豪歸奏曰市人聞令懼鈔法通矣事遂已倭犯遼東戍守失律者百餘人皆應死命埜在按問埜開陳其可矜狀帝以爲然悉宥之十六年石州人告變擢埜爲陝西按察使勅以便官會兵勦捕埜察其誣乃反坐告變者以父憂歸服除擢應天府尹上言京郡秩三品特給銀印與外郡不同邇者監察官遇事輒便追呼非所以

重國體也宜定式如古京兆之制從之正統元年
進兵部侍郎尚書王驥數出巡邊楚獨任部事四
年京師霪雨楚上言陰氣爲沴兵象也臣奉職無
狀乞罷優旨留之天下軍衛總旗小旗當代者例
必就試京師有道遠無資不能就試者至終身不
得代乃請於各都司試之時以爲便中官王振私
人徐晞爲尚書楚持正不阿晞雖險詐亦雅重之
十年代晞爲尚書十四年秋也先入犯振力主親
征外廷不得與議及詔下楚抗言塞垣有警邊將
足禦之陛下爲宗廟社稷主奈何自輕乎不聽車

潛菴先生史稿

列傳四
卷之九

四

駕出關楚與戶部尚書王佐竟日跪草中力請回
鑾振怒令與佐隨輜重行楚墜馬幾殆或勸留懷
來就醫藥楚曰至尊在前豈敢托疾自便會雷雨
大作太監郭敬密白振不可進狀始議班師次宣
府寇騎踵至楚再上章請疾驅入關嚴兵爲殿皆
不報又請行殿申請振益怒曰腐儒安知兵事再
言者死楚曰我爲社稷生靈計何得以死懼我振
愈怒叱左右扶出楚與佐相對泣帳中亡何師覆
楚死年六十五楚爲人端謹性至孝父子輔教甚

嚴楚在陝西久思欲見父會鄉試與僚友謀聘父

已見子輔好傳

爲考官子輔怒曰子居憲司而父爲考官何以防
範馳書責之又嘗以俸市褐寄父子輔復貽書責
曰汝掌一方刑名當洗冤釋滯以無忝任使何從
得此褐乃欲以污我耶封還之桀奉書跪誦泣受
教桀歷官四十年所在有冰蘖聲本父之教也景
泰初贈桀少保謚忠肅官其子儀爲主事

王佐海豐人永樂中舉鄉試入太學肄業以學行
著擢吏科給事中議論常持大體不尚苛細曰吾
爲國家愛惜人才不敢搜索士大夫隱私敗其名
檢宣德初超擢戶部右侍郎六年平江伯陳瑄言

潛菴先生史稿

列傳四
卷之九

聖

江南糧儲軍運不足請發民十三萬分直輓輸佐
言江南民運已至淮徐若復調發是重困也惟就
附近官軍擇便撥運量給庸耗便會江南巡撫周
忱言與佐合卒從其議尋經理陝西糧儲時軍衛
收納稅糧奸蠹百端請改隸有司報可十年鎮守
河南未幾召入爲左侍郎監督通州倉進本部尚
書時南北軍興調發府庫日虛佐節省調劑經費
不絀而民亦安之十四年從駕北征與兵部尚書
鄺埜力請回鑾跪草中竟日王振怒不聽師陷土
木佐死佐性坦直勤於學問雖政務繁集不廢書

史爲政無赫赫名而事無不舉景帝立贈少保謚忠簡

丁鉉字用濟豐城人永樂十三年進士授太常寺博士歷刑部主事郎中正統三年擢本部右侍郎與尚書魏源相叅決號稱明允五年朝議受賊枉法者無多少悉戍邊鉉言如此則一錢之入與千萬同罪輕重失宜乃與源及都御史陳鑑議重者論成輕者罰運磚米贖罪遂著爲令十年命往川陝運茶易馬時歲儉課艱奏減常數以俟豐歲公私便之十二年山東河南旱蝗鉉奉勅巡視發倉潛菴先生史稿列傳四卷之九 聖

廩黜貪吏民皆復業十四年也先犯大同王振主親征詔未下而外廷寢聞之鉉卽上章言邊陲有警鎮將之責也何煩六師不報遂從行師次唐家嶺軍中夜驚失大將所在鉉嘆曰是豈可以用兵耶因詣行殿力請車駕還京師惟嚴號令明賞罰諸將用命敵當自退若輕萬乘以蹈虎尾如宗廟社稷何帝嘉其言未決退又上章力諍皆爲王振所沮師潰鉉死鉉貌皙白寡言笑退然若無能及任事強毅不回人以此重之景帝立贈刑部尚書

謚襄敏錄其子璠爲大理寺評事

王永和字用節崑山人父有疾伏枕十七年永和奉事無懈以明經舉於鄉乞就教職以便養吏部尚書蹇義器之薦爲兵科給事中正統間以都給事中超遷工部右侍郎往視淮南諸郡訪求利病致便宜於民比還掌部事河決山東改而北注漕河潰溢永和受命往治濬道有方比還扈蹕死於土木妻陸有賢行聞永和變痛哀成疾死

鄧榮字孟擴南城人永樂間進士授監察御史巡按蘇松當代父老二千餘人詰闕乞留得請復留一年以楊士奇薦遷陝西按察使居陝十年不攜

潛菴先生史稿

列傳四卷之九

四

家人子弟正統十年超遷右副都御史英宗北征扈蹕次榆林疏請旋軫言甚激切不報土木師潰從者請榮脫去榮叱之曰王辱臣死分也鑿輿不返尚何言歸深入死之贈右都御史謚襄敏子瑞大理寺右評事痛不得父尸以所收平日爪髮並字跡衣冠歛而葬之龔全安蘭溪人以進士授工科給事中歷遷左通政黃養正名蒙以字行瑞安人九歲以善書薦授中書舍人累官太常少卿戴慶祖溧陽人王一居上元人並以樂舞生授贊禮郎累官太常少卿皆以扈蹕北征死

姚銑字孟聲侯官人永樂二十二年進士宣德初擢刑科給事中遭母喪服除改工科正統間引疾家居凡七載以薦起兵科都給事申上言外吏造作刑具非法考掠輕罪槩同重囚寃死者衆乞令天下錄每歲考死及繫死諸犯名數類爲冊送三法司詳覈議格不行銑性恬退不求苟進歷二十餘年始遷一級扈駕北征策其必敗遣僕歸貽家人詩曰許國丹心今日盡輸忠白骨幾時還遂死於難

鮑輝字淑大平陽人宣德八年進士授工科給事

潛菴先生史稿

列傳四卷之九

聖

中改刑科上言有司抑配商鹽歛怨於上州縣官考滿夤緣保留宜禁止之畿輔山陝饑請命大臣亟賑之仍寬其徭賦以安民心正統間海內久安武事漸弛上言奸宄之伏恒於承平武備之修當於無事今天下都司衛所官溺於晏安器具不修軍士靡恤昌支糧餉規避徵發比者延平寇起朝命兩都司調軍征進遷延旬月不能會集及至臨陣輒復畏縮非賴朝廷威信賊悔罪自新欲藉此輩僇力剪除曷克有濟乞勅兵部議下巡按及清軍御史會同三司官大加簡閱推擇公忠智勇者

爲之將領庶武備可飭疆圉足賴朝廷是其言下
所司行之軍駕北征輝督右掖軍紀戰功師潰土
木死焉

包良佐字克忠慈谿人正統七年進士授吏科給
事中上言吏治考課未嚴宜選清望大臣巡察又
言福建官司貪黷致盜宜正刑章悉從之至是從
駕遇難死

黃綬平谷人洪武末以奇童召見讀書國子監正
統十年舉進士授山東道御史律已嚴峻十四年
扈從北征上言兵玩備弛敵鋒正銳陛下奈何以

潛菴先生史稿

列傳四
卷之九

吳

祖宗付託之身親蹈危機不報師次鷓兒嶺陣亡
黃裳字元吉曲江人少讀書過日成誦正統七年
進士授監察御史院中彈文多出其手都御史陳
鑑倚重之十年言浙江甯紹台疫死三萬人宜蠲
租賑恤又言科道考滿黜陟當出上裁若由吏部
奏升言官職司糾彈甯無致忤欲如文彥博之薦
唐介古今幾人哉帝並從之巡按兩浙言經歷河
上見民遭水患奏請賑恤詔免淮徐濟甯諸郡縣
糧稅之半仍發廩賑之扈駕北征歿於土木同時

死者御史張洪魏貞尹鉉章存德夏誠孫慶林祥

鳳申佑凡九人

俞鑑字元吉桐城人正統六年進士授兵部職方司主事車駕北征郎中胡甯當從行以病求代鑑慷慨許諾或曰公家遠子幼奈何輕身耶鑑厲聲曰此豈臣子言身家時乎因撫二子摩其頂曰若等自成人我不能顧矣時尚書鄭埜知其賢軍事多與之謀鑑曰惟有力勸上班師耳至土木遇難而死

申佑貴州人爲諸生讀書思州府裹糧徒步常從父之田父爲虎啣去佑挺身持杖奮擊之虎逸父

潛菴先生史稿

列傳四卷之九

四

免啞焉正統中以舉人肄業國學祭酒李時勉被柳國學門佑隨石大用抗疏救之尋舉進士官御史扈蹕土木死之

張瑋字廷玉慈谿人正統四年進士爲刑部主事能洞晰疑案立決淹獄時尚書金濂聰察頗輕屬吏瑋抱案詣前從容舉所鞫囚數名罪矢口如流不煩省閱濂改容禮焉扈蹕土木死樓澤字濟霖永康人劉會英山人同登正統十年進士澤爲刑部主事會爲戶部主事亦同死

羅如壙字本崇尹昌字輯禎皆吉水人正統中同

爲行人親征議起群臣逆知必敗皆冀倖免昌謂同官曰孰與吾偕行衆俛首未應如墉急對曰主憂臣辱今日又何擇乎遂自請行過太常劉儼曰此行必死以墓銘累君儼曰何至此如墉曰行當驗耳徑上馬去土木師潰同日死之

馬豫字彥安臨清人宣德八年進士官大理寺副性剛直不阿讞獄詳明扈駕北伐土木失利語其僕曰我奉駕而來一旦至此汝急歸告主母還臨清我有死而已厲聲叱賊死之鄧鑑黃陂人官光祿寺署丞

潛菴先生史稿列傳四卷之九

四

李昱字文昭潞人宣德間舉鄉試卒業太學授光祿寺署丞扈從北征師潰被執不屈臨以白刃昱曰主辱臣死今日固吾死所也遂被害

曹鼐鄜州王佐其死表表諸臣同罹閔凶且生平各有善狀可紀固不忍沒之簡編之繁奚恤也

其

憂

同

李實羅綺王復趙榮列傳袁彬哈銘沙狐狸附

李實字孟誠其先武陵人後徙四川合州舉進士爲禮科給事中景泰元年也先使阿剌請和諸臣奏請遣使迎復上皇景帝不擇賴尚書王直少保于謙言於是以實爲禮部右侍郎往大理少卿羅綺爲副勅出不及迎復事實驚入白內閣太監興安詎曰爾第奉黃紙以行他何與知實遂行既至也先引見上皇所居氊毳帳食飲皆羶酪牛車一乘爲移營之具實等叩首泣下上皇問太后今上無恙實私以糗餌常服進上皇曰我此行非爲遊

潛菴先生史稿

列傳五卷之九

兪

畋爲宗社計耳也先欲歸我卿歸報朝廷善圖之倘得歸願爲庶人守祖宗陵墓足矣因泣下實曰此皆王振所爲當年寵亦太過上皇曰此固朕之不明然振未敗時誰肯言者也先謂實曰皇帝在此我等不敢慢每遣使南朝令來迎竟不至何也實等反覆陳奉迎意也先言朝廷遣汝通問何可遠言奉迎汝歸奏遣二三大臣來我奉駕回無疑也蓋自少保謙絕和議也先雖擁留上皇徒抱空

於此兄上皇得歸實由于謙

質無所要其下亦厭兵故與實等言如此實等南

歸未至京朝廷再遣都御史楊善往通問實還朝

上言臣奉使塞外見也先欲奉上皇南還惟陛下
別遣大臣迎駕倘也先變詐不測則曲在彼若不
遣使則曲在我惟陛下裁度臣不避斧鉞昧死以
聞帝曰俟楊善還再議後善竟迎英宗以歸其始
爲迎駕之議者實之力居多也尋進右都御史巡
撫湖廣還掌院事坐事免官家居頗恣肆爲鄉人
所訐下詔獄籍其家成化初復官卒實幼以商遊
江南舟覆幾溺死遂奮志讀書以功各顯平生好
口辨不拘繩檢人以是少之

羅綺字尚綱磁州人宣德五年進士爲監察御史

潛菴先生史稿

列傳五
卷之九

五

遷大理寺丞景泰初也先屢使議和綺進右少卿
副李實往也先見二人至喜遣使同綺追還擾邊
兵馬遂定回鑾之議還朝出鎮窟夏二年進刑部
侍郎松潘蠻叛董卜韓胡都指揮克羅俄監粲攻
下雜谷奪安撫司印土寇王永陷關堡都御史寇
深不能治命綺往征之綺雄偉有謀開布恩信未
期年克羅俄監粲悔過獻印遣將周貴等擒王永
誅之松潘萬山截業有賊卓勞阿兒結等常乘隙
攻奪饋餉卽奔匿巖洞莫可究詰綺曰不大威之
不懲簡選精銳乘夜銜枚擣其窟穴綺介冑從之

遂擒斬勞等顯示諸蠻連道無虞捷聞獎賚有加
綺志在招降常破除崖岸一切以簡易從事間與
蠻兒接杯酒歡松潘人愛慕不忍叛後改副都御
史亦坐是得謗貶廣西叅政既還磁與鄉人不相
能告綺在松潘頗通賂遺又與州同知龍約私議
朝政逮獄論死籍其家

王復字初陽固安人正統六年進士授刑科給事
中知邊情識大體凡論奏多可施行進通政司左
叅議英宗北狩景帝卽位以復爲禮部侍郎同中
書舍人趙榮出使也先營既歸改右通政俄轉左

潛菴先生史稿

列傳五
卷之九

五

進通政使英宗復位念舊勞進兵部左侍郎成化
元年進本部尚書是時總兵趙輔會勦大藤峽諸
賊調湖廣廣西土兵合番漢官軍分布梧肇廣州
諸郡縣未幾以地方少甯奏請班師復言班師未
可遽言請令會同都御史韓雍等詳議必勦撫得
宜無後患而後可朝論是之未幾以尚書奉命巡
邊復旣知邊情因親身策馬相度形勢上言延綏
甯夏甘涼一帶東起黃河岸府谷堡西至甯夏花
馬池東西縈紆二千餘里險隘俱在腹中境外全
無屏障惟恃墩臺城堡以爲保障耳又其地出入

參差道里不均遠者至一百二十餘里近者或五六十里軍反居內民反居外一遇有警官軍未行人民倉儲被掠已盡所設兵馬不過虛聲應援而已又西南直抵慶陽烽火不接防禦無聞其北面墩臺皆稀疎曠遠非禦邊之長策也臣集衆議必當更置爲便及今聲勢稍甯先摘撥軍餘採辦木植候春暖土開委官監督協力興工移府谷堡於芑州舊城移東村堡於高漢嶺移響水堡於黑河山移土門堡於十項坪移兔鶻堡於響鈴塔移白洛城於磚營移塞門堡於務柳莊不惟東西徑直

潛菴先生史稿

列傳五卷之九

五

亦兼水草利便又自安邊營接慶陽自定邊營接環州其間計里鳩工應增墩臺三十有五又甯夏中路靈州以南原無墩臺東西二路聲聞不接鹵騎深入路恒由此請移東路與武衛近內與花馬池靈州東西相距各百里白花馬池東南至環縣西南至小鹽池西路自分水嶺至靖鹵城中路靈州至石溝驛一路出葫蘆峽一路出萌城計二十里設一墩臺凡立墩臺者五十有八周遭築牆深厚寬廣可以容糧運又於其中招徠商旅通事惠工量撥近衛屯軍守禦賜之堅甲絮衣勁弓利矢

益以邊郡之良騎緩急策應足以遙振軍威此一
勞永逸之道也又以延緩城堡最爲遼遠而官吏
反稀請增官置帥駐兵高家堡龍川諸地先撥陝
西酈慶甘肅等軍輪班揀守不足則以土兵助之
至於糗糧器仗取之少監庶幾戰守有人邊備充
實捍禦可以無虞奏上皆報可復在邊建置如增
立涼州中衛清理莊浪衛鎮羌驛路及永昌西甯
諸城堡多合時宜而言者乃謂治兵非復所長特
命白圭代之改復於工部加太子太保復謹守法
制聲名尤勝於本兵時有中官領騰驤左右四衛
潛菴先生史稿列傳五
卷之九

勇士廝養及牧馬軍餘乞製成衣袴以爲冬賞復
駁之兵部尚書余子俊謂復曰庫中衣袴甚多君
何吝焉復曰祖宗立法胖襖袴鞋原畱給應調征
行之士使其刻日起程無勞縫製京軍守衛無調
遣之勞則歲給冬衣破花令軍妻自爲之此成憲
也今四衛軍士既有歲給又以此加厚非惟失國
家警備非常之意且使恩出內豎於國體甚褻子
俊改容謝之憲宗素寵信番僧賞賜稠疊其封號
有加至三十餘字者凡國王法師死京師例官爲
營造墳塔復言此僧平日受賜過多宜出其賞自

爲營建不須動支官帑帝皆從之復之能持太體類如此十五年災異求言都給事中張海等劾奏四方水旱皆復與戶部尚書楊鼎南京兵部尚書薛遠吏部侍郎錢溥四人失職所致宜賜罷斥上不聽踰年復致仕又踰年卒謚莊簡

趙榮字孟仁其先西域人寓闕縣初姓王氏其舅薩琦爲編修榮從來京正統間以善楷書授中書舍人直文淵閣景帝卽位也先奉上皇至土城邀

大臣出迎衆相視莫肯往獨榮毅然請行大學士高穀壯之解金帶爲贈加鴻臚寺卿與通政左叅

潛菴先生史稿列傳五卷之九

晉

議王復詣北營朝見上皇也先謂榮等皆微官宜命大臣來還改太常寺少卿直文淵閣如故景泰元年六月也先復遣完者脫歡來言欲送歸上皇

景帝疑其詐廷臣多力爭謂彼縱以詐來我當推誠待之於是復以榮爲工部右侍郎貳都御史楊善爲使奉英宗還京語詳善傳尋遷左侍郎英宗

復位遷工部尚書五年曹欽反殺指揮使遂杲都御史寇深軍逼闕下榮披甲躍馬大呼於市曰孰爲豪傑來從我殺曹欽勿有退避頃之從者數百

人遂同懷甯伯孫鏗等擊敗欽東長安門外事平

論功兼支大理寺卿俸他日英宗與大學士李賢
從容論人才語及榮賢曰此人難得如曹欽反時
文臣畏縮遠遁况兵非已責孰肯身親嘗試者惟
榮躬環甲冑振臂一呼從者甚衆夫能於矢石倥
忽之下獎勵士卒滅賊成功如此殆不易及帝曰
固忠臣也七年卒於官廕一子錦衣衛指揮僉事
袁彬錦衣校尉也從英宗北征沒鹵中飼馬久乃
使侍帝帝得彬甚喜彬識字善言笑時時爲隱語
悅帝嘗得羊髀進而共嚼之哈銘者故與父某爲
通事畱北庭時脫衣易一羊見帝帝以銘曉鹵語

潛菴先生史稿

列傳五
卷之九

五

亦畱之又有沙狐狸往來汲水負薪甚勤三人皆
爲帝所親而彬銘則同帝卧起帳中帝苦野宿寒
彬常以脇煖帝足銘寢熟手加帝冒帝徐下之因
與說嚴子陵事銘叩頭謝彬嘗中寒帝親治糜食
彬且厭彬背令汗浹乃已也先聽太監喜甯計挾
帝掠大同萬全直趨都城復欲擁之襲甯夏詭言
送帝達南京彬銘密告曰此去南京數千里何由
至耶帝乃止之甯恨計不行嗾也先殺彬帝爲泣
請不得銘故暱也先竟用談笑解也先欲以妹進

御彬教帝以婉詞却之帝畱漠北暮年時鬱鬱不

樂多得此三人慰解既歸景帝絀彬勞授試百戶英宗復辟乃擢錦衣都指揮僉事理衛事銘爲指揮同知賜姓楊狐狸爲百戶賜姓名李成以城東第一區爲彬第引太液池水繞其門彬娶使元舅孫顯宗主之間召宴畧用家人禮先後賜予甚渥時門達驟寵貴與彬比肩不相能訶得彬妾父姦利事奏下彬獄法司論贖罪還職達意未快會力士某向役屬彬坐事成邊歸而怨彬弗救也達遂使訐彬受曹石金及諸不法數十事帝不憚曰彬倚故人負我法當治顧謂達須終還朕一活袁彬

潛菴先生史稿

列傳五卷之九

■ 戛

達加煅煉具誣服京城中有軍匠楊塤善海外丹髹時號楊倭漆少年喜事輒擊登聞鼓訟彬寃并下達問達怒榜且笞之曰必有人蒸汝塤恐遂笞死窺達意在內閣李賢仰而呼有陰事願白達使前前曰小人何能辦疏乃李閣老代我草耳今重累我若得引訊大庭當於衆前盡發若謀達喜促罷答與湯沐賜之酒肉入言於帝會三法司鞠午闕下遂大呼天平寃哉小人何從見李閣老門指揮餌我令引若因探其懷曰肉猶在達出不意色

變衆以達故遽罷訊竟以彬絞填斬論上帝命調
彬南京錦衣衛毀賜第而錮填於獄憲宗卽位召
彬還達得罪減死戍嶺西彬餞且饋之人謂彬雖
武夫其事畧同古人云彬尋進都指揮同知致仕
子勲亦仕至錦衣都指揮僉事嘉靖中復追錄翼
衛功官其孫天章如彬職李成旣爲百戶恃舊恩
徑入內求遷官帝怒下之獄楊銘與達官也先帖
木兒謀脫成會帝幸曹吉祥家也先進爲成請帝
知出銘意并繫之尋謫銘貴州副千戶後遇赦俱
復官至錦衣都指揮弘治中猶爲大通事而成不
潛菴先生史稿列傳五
卷之九

垂

知所終

諸人以迎奉護駕同傳其文似不及通紀之
詳然國書例以其體爲得要琢錐純健功固

不易耳

